1532. July 9.

A. against B.

No 38.

THE Lordis of Sessioun alanerlie, and na utheris, ar Jugeis competent to the reductionne of ninetene zeir takkis, and sicklike upon all contraversies, debaitis or reclamationnis interponit fra ony decreit arbitral, registrat in the buikis of Counsall, like as they, and nane utheris, gevis and grantis letteris to compell parties to fulfill decreitis arbitral, everie ane according to thair awin partis.

Balfour, No 9. p. 269.

1532. July 18. The Laird of Waughton against Friar James Paterson.

No 392

GIF the King grantis or directis ony letteris under his signet and subscriptioun, charging ony of his liegis to do ony deid, under the pane of rebellioun, and putting of him to the horne, and he againis quhom they ar direct not beand callit to heir the samin gevin, the Lordis, at the instance of the said partie, meanand him to thaim thairanent, may suspend simpliciter the saidis letteris, as evil gevin, without ony cognitioun tane in the cause, and decern thame to desist in time coming.

Balfour, No 5. p. 267.

1532. July 15. & August 10.

THE LORDS against ANDREW MURRAY, Messenger.

No 40.

THE LORDS of Counsall hes powar to accuse and convict ane messenger or officiar of armis, anent the wrangous executioun of his office, and tak his armis and office fra him, and mak publicatioun thairof, be thair letteris direct furth throw the realme thairupon.

Balfour, No 4. p. 266.

1533. June 13. WILLIAM BARON against The Earl of Morton.

No 41.

Gif the King give ony privie writing, quhilk is direct contrare the administration of justice, or hinderis and postponis the samin, the Lordis of Counsall may discharge or suspend the samin.

Balfour, No 5. p. 267.